

## GJALDSKRÁ fyrir Rafveitu Ísafjarðar.

### I. RAFORKA

#### A. Lýsing.

- 1.1. Um kwst.mæli á 680 aura kwst.
- 1.2. Um kwst.mæli 340 aura kwst. auk fastagjalds 20 kr./mánuð af hverju í rúmi því er lýsa skal. Fullt fermetragjald skal greiða af gólfleti í verzlunum, vinnustofum og skrifstofum, en fyrir ganga og geymslur 10 kr./m<sup>2</sup>.

#### B. Almenn heimilisnotkun o. fl.

- 2.1. Um kwst.mæli 165 aura kwst. auk fastagjalds 15 kr./mánuð af hverju íbúðarherbergi. Mælaleiga af einum mæli falli þá niður. Í útreikningi á fjölda herbergja skal telja öll íbúðarherbergi og eldhús, en ekki ganga, baðherbergi, þvottahús og geymslur. Herbergi, sem er minna en 7 fermetrar, skal telja sem hálf, þó þannig að eigi skal greiða fastagjald af herbergjum sem eru minni en 5 fermetrar. Herbergi sem eru stærri en 25 fermetrar skal telja sem tvö.

#### C. Vélanotkun.

- 3.1. Um kwst.mæli á 340 aura kwst.
- 3.2. Um afl- og orkumæla þannig reiknað:  
Aflgjald af notuðu afli kr. 1900 kw. á ári. Orkugjald af allri notkun 50 aura kwst. Notað afl hvers almanaksárs telst vera meðaltal fjögurra hæstu álestra, en álestrar fara fram með sem jöfnustu millibili, en þó eigi skemur en eins mánaðar. Aflnotkun mælist sem meðalálág yfir stundarfjórðung. Minnsta aflgjald skal vera 7000.00 kr. á ári. Eftir þessum gjaldskrárlíð má selja raforkunotkun atvinnufyrirtækja, sjúkrahúsa, heimavistarskóla og annara slíkra stað, gegn greiðslu fastagjalds af ljósanotkun.

#### D. Hitun.

- 4.1. Til gisti- og veitingahúsa, sjúkrahúsa, heimavistarskóla og annarra slíkra staða má selja raforku til suðu og hitunar um sér mæli á 165 aura kwst., enda séu suðu- og hitateki fasttengd.
- 4.2. Til hökunarofna í brauðgerðarhúsum á 50 aura kwst. á tímanum frá kl. 22—10. og 170 aura kwst. á tímanum 10—22, enda sé straumurinn rofinn í 4 stundir á mesta álagstíma Rafveitunnar, þó eigi lengur en tvær stundir í senn, og notendur kosti uppsetningu tvígjaldsmæla.

- 4.3. Hiti í kirkju um kwst.mæli á 105 aura kwst., enda sé straumur rofinn í 4 stundir á mesta annatíma Rafveitunnar, þó eigi lengur en tvær stundir í senn.

### E. Önnur raforkunotkun.

- 5.1. Til götu- og hafnarljósa um kwst.mæli á 160 aura kwst.  
 5.2. Til nota við vinnulagnir við byggingu, meðan á byggingu stendur, þannig:  
 a. um kwst.mæli á 340 aura kwst.  
 b. Um mesta straumsrofa á 55 kr. hvert amper á mánuði.

Rafveitustjóri ákveður hvort settur skuli upp kwst.mælir eða mesta-straumsrofi.

- 5.3. Til súgurrkunar um kwst.mæli á 100 aura kwst.  
 5.4. Alla raforkunotkun, sem ótalin er, og ekki kemst undir aðra liði þessarar gjaldskrár, skal selja eftir gjaldskrárlið 1.1.

Þegar sérstaklega stendur á má rafveitustjóri selja raforku eftir sérstökum samningi, þó eigi lengur en til eins árs í senn, nema samþykki Rafveitustjórnar komi til.

6. Ofangreint raforkuverð er miðað við, að raunstuðullinn sé ekki lægri en 0.8. Verði raunstuðull lægri er heimilt að miða raforkuverð við KVA, og KVAs. í stað KW. og KWst.

Lágmarksnotkun um hverja heimtaug skal vera 1000.00 kr. á ári.

### II. MÆLALEIGA

Rafveitustjóri ákveður stærð og gerð mælitækja sem nota skal fyrir hverja veitu og sú ákvörðun er skuldbindandi fyrir notanda, sem skal greiða leigu af mælitækjum sem hér segir:

1. Af einfasa kwst.mælum .....	kr. 15.50 á mán.
2. Af þrífasta kwst.mælum 100 A og minni .....	— 34.00 — —
3. Af mesta aflsmælum 100 A og minni .....	— 90.00 — —
4. Af mesta aflsmælum 100 A og stærri .....	— 110.00 — —
5. Af skiptiklukkum .....	— 15.00 — —
6. Af ljósnæmirofum .....	— 65.00 — —

Af öðrum mælitækjum en þeim, sem hér eru nefnd, skal ársleigan vera sem næst 20% af verði mælitækjanna. Leigan skal innheimt um leið og gjöld fyrir raforku.

### III. HEIMTAUGARGJALD

Heimtaugargjald skal greitt samkvæmt eftirfarandi töflu.

Fari lengd jarðstrengs heimtaugar fram úr 15 metrum eða loftlínu heimtaugar fram úr 40 metrum skal greitt yfirlengdargjald eins og taflan sýnir:

Málstraumur stofnvara	Lágmark kr.	Yfirlengd kr./m.
60 amp. 1 fasa .....	7 000.00	465.00
60 amp. 3 fasa .....	9 000.00	495.00
100 amp. 3 fasa .....	14 000.00	575.00
125 amp. 3 fasa .....	17 000.00	665.00
200 amp. 3 fasa .....	27 000.00	825.00
350 amp. 3 fasa .....	48 000.00	1 150.00

Fyrir heimtaug með flutningsgetu 150 KVA, (hér kann að þurfa spennistöð) skal greitt heimtaugargjald, er nemi 290 kr. á hvert KVA. Skal þá aflið miðað við varastærðirnar 350, 400 eða 630 amp. Yfirlengdargjald miðast við 350 amp. skv. töflu. Lengd jarðlínuheimtaugar 60—200 amp. reiknast frá varkassa styztu greiðfæra leið að lóðamörkum. Lengd stærri heimtauga reiknast frá varkassa að spennistöð. Yfirlengd reiknast ekki af vegalengd, sem er umfram 100 m frá varkassa. Þurfi að leggja jarðlínuheimtaug út frá loftlínu, skal lengd heimtaugar reiknuð jöfn lengd jarðstrengs frá varkassa að loftlínustólpa.

Þveri jarðlínuheimtaug akbraut, skal breidd akbrautar ekki reiknuð með. Lengd loftlínuheimtaugar 60—100 amp. reiknast frá næsta stólpa í notandalínu við götu styztu greiðfæra leið að varkassa. Þurfi að setja stólpa fyrir heimtaug nær húsi en 40 metra svo hún nái löglegri hæð skal greitt umframgjald 3000.00 kr fyrir stólpann.

Sé nauðsynlegt að setja upp spennistöð vegna ákveðins notanda, og hún að mestu leiti notuð í hans þágu, skal notandanum skylt að leggja til lóð undir stöðina, Rafveitunni að kostnaðarlausu, og skal hann í öllu hlýta skilmálum Rafveitunnar um stærð lóðarinnar og staðsetningu stöðvarinnar. Sé lögð bráðabirgða heimtaug í vinnuskúr eða hús í byggingu, skal greitt fyrir hana sem hér segir:

60 amper 1. fasa .....	kr. 2000.00
60 amper 3. fasa .....	— 2500.00

Óski húseigandi eftir að heimtaug verði breytt úr 1. fasa heimtaug eða flutningsgeta jarðstrengsheimtaugar verði aukin, skal hann greiða fyrir breytingu samkv. kostnaði, þó aldrei minna en mismun á heimtaugargjaldi samkvæmt gjaldskrá.

Þurfi að breyta loftlínuheimtaug í jarðlínuheimtaug vegna breytinga á stofnlínu í götu, skal húseigandi greiða  $\frac{1}{6}$  hluta heimtaugargjalds samkvæmt gjaldskrá.

Gjaldskrá þessi gildir í skipulögðum hverfum innan lögsagnarumdæmis Ísafjarðarkaupstaðar og Eyrarhrepps. Sé um óskipulagt svæði að ræða, eða aðstæður óvenjulegar, er heimilt að krefjast sérstaks aukagjalds húseiganda eða gera honum að greiða heimtaugina samkv. kostnaði, en gera skal honum aðvart um það fyrirfram.

#### IV. OPNUNARGJALD

1. Hafi verið lokað fyrir veitu vegna vanskila á gjöldum til Rafveitunnar, er óheimilt að opna fyrir aftur fyrr en notandi hefur greitt áfallin gjöld og kr. 200.00 í opnunargjald á skrifstofu Rafveitunnar.
2. Ef fundin eru óleyfilega eða of stór vör við skoðun, skal veitunni lokað tafarlaust. Er óheimilt að opna aftur fyrr en notandi hefur greitt kr. 100.00 á skrifstofu Rafveitunnar.

#### V. ÝMIS ÁKVÆÐI.

Hækki innkaupsverð á raforku, er rafveitustjórn heimilt að hækka raforkureikninga um 30% af þeirri hækkun. Fyrir hver full 5%, sem kaupgjald hjá Rafveitu Ísafjarðar hækkar eða lækkar hvort heldur er sökum breytinga grunnkaups eða kaupgjaldsvísitölu frá og með 1. janúar 1968, er rafveitustjórn heimilt að hækka eða lækka gjaldskrá um 4%. Ef fyrrsjáanlegt er að dómi rafveitustjóra, að örðugleikar verði á rekstri Rafveitunnar sakir vatnsskort, getur rafveitustjórn með samþykki ráðuneytis gert bráðabirgðaráðstafanir er hún telur heppilegar til þess að draga úr orkunotkun á veitusvæðinu meðan á vatnsskorti stendur. Söluskattur 7.5% er innifalinn í þessari gjaldskrá.

Gjaldskrá þessi staðfestist hér með samkvæmt vatnalögum nr. 15 20. júní 1923, og orkulögum nr. 58 29. apríl 1967, til þess að öðlast gildi þegar í stað, og birtist til eftirbreytni öllum þeim, sem hlut eiga að máli. Jafnframt fellur úr gildi gjaldskrá fyrir Rafveitu Ísafjarðar nr. 67 24. marz 1966.

*Atvinnumálaráðuneytið, 26. janúar 1968.*

**Ingólfur Jónsson.**

*Þorv. K. Þorsteinsson.*

## G J A L D S K R Á

fyrir Rafveitu Reyðarfjarðar.

### I. RAFORKA

Rafveita Reyðarfjarðar selur raforku á þann hátt og við því verði, sem hér segir:

#### A. Lýsing.

1. Um kwst.mæli á kr. 4.30 hverja kwst.
2. Um kwst.mæli á kr. 1.47 hverja kwst. auk fastagjalds af gólfleti í rúmi því, er lýsa skal.

Fastagjald reiknast þannig:

Fyrir búðir, vinnustofur og skrifstofur ..... kr. 1.00 á m<sup>2</sup> á mán.  
Fyrir ganga, geymslur o. þ. h. .... — 0.39 á m<sup>2</sup> á mán.

#### B. Almenn heimilisnotkun o. fl.

Um kwst.mæli fyrir alla notkun á heimilinu á kr. 1.20 hverja kwst., og auk þess fastagjald kr. 7.00 á mán. fyrir hvert herbergi, sem ætlað er til íbúðar og eldhús, en ekki ganga, baðherbergi eða geymslur. Herbergi, sem er minna en 5 m<sup>2</sup>, telst sem hálf, en stærra en 25 m<sup>2</sup> sem tvö. Þar sem meðalstærð herbergja í íbúð er undir 10 m<sup>2</sup>, má miða við samanlagt flatarmál þeirra, þannig að hverjir 10 m<sup>2</sup> jafngilda einu herbergi og hverjir 5 m<sup>2</sup> hálfu herbergi.

#### C. Vélanotkun.

1. Um kwst.mæli á kr. 2.24 hverja kwst. Hafi vélarnar mjög stuttan notkunartíma, má krefjast minnsta árgjalds, kr. 325.00, fyrir kw. í málraun véla.
2. Um afl- og orkumæla til véla í frystihúsum, fiskverkunarstöðvum og iðnaðar-fyrirtækjum, ef uppsett vélaafl fastra véla er yfir 20 kw., þannig reiknað:
  - a. Aflgjald af notuðu afli ..... kr. 1 600.00 á kw. á ári.
  - b. Orkugjald af allri notkun ..... — 0.44 á kwst.

Heimilt er að rjúfa strauminn í allt að 3 stundir á dag á tímum mesta álags.

3. Ef ekki eru tók á að mæla notað afl, má selja þannig: Um kwst.mæli á kr. 0.49 hverja kwst., auk fastagjalds, er nemi kr. 940.00 á ári fyrir hvert kw. í málraun véla.
4. Til súgþurrkunar um kwst.mæli á kr. 0.65 hverja kwst., enda skuldbindi notandi sig til að nota ekki vélarnar á mesta álagstíma dagsins, skv. fyrirmælum rafveitustjóra.